



En caso de que a persoa solicitante presente máis dunha instancia ou solicite máis dun proxecto, non se terá en conta a súa petición.

## Documentación

A solicitude de admisión, anexo I, deberá ir acompañada da seguinte documentación:

- a) Copia do DNI ou NIE, no caso de non dar o consentimento para a comprobación dos datos de identidade no sistema de verificación do Ministerio de Facenda e Administracións Públicas, ou copia do pasaporte ou do documento de identificación da Unión Europea, cando non se dispoña de DNI ou NIE.
- b) No caso de non ter realizado os estudos ou as probas de acceso no ámbito da Comunidade Autónoma de Galicia, ao abeiro da Lei orgánica 2/2006, do 3 de maio, de educación, certificación académica na que conste o expediente académico e o depósito do título, de ser o caso, ou o certificado da superación da proba de acceso ao ciclo formativo ou da proba de acceso á universidade para maiores de 25 anos.
- c) Currículo co formato Europass, que se poderá elaborar no enderezo <https://europass.cedefop.europa.eu/es/documents/curriculum-vitae>.

## Requisitos das persoas solicitantes

Para poderen acceder a este proxecto de formación profesional dual, as persoas aspirantes deberán cumprir o seguinte:

- a) Ter entre dezaoito anos (ou facelos no ano natural en que comece o ciclo formativo) e vinte e nove anos no momento de inicio do ciclo formativo.
- b) Cumprir os requisitos de acceso aos ciclos formativos establecidos no artigo 41 da Lei Orgánica 2/2006, de 3 de maio, de Educación, segundo a redacción dada pola Lei Orgánica 8/2013, de 9 de decembro, para a mellora educativa, ou na disposición adicional terceira desta última lei, para poder matricularse en todos os módulos profesionais do ciclo formativo correspondente, e que se detallan no modelo de solicitude.
- c) Carecer da cualificación profesional, obtida e recoñecida polo sistema de formación para o emprego ou do sistema educativo, requirida para concertar un contrato en prácticas para o posto de traballo ou a ocupación obxecto do proxecto.
- d) Non ter realizado con anterioridade un contrato de formación e aprendizaxe, e cumprir os requisitos establecidos na normativa laboral vixente para poder efectualo.
- e) Non ter superado ningún módulo profesional do ciclo formativo do proxecto solicitado, agás que fose cursando outro ciclo formativo.

## Calendario do procedemento

	Prazos
Presentación de solicitudes	Do 22 ao 30 de xuño ás 13 horas
Publicación da relación provisional de persoas solicitantes	3 de xullo
Reclamación á relación provisional de persoas solicitantes	Do 4 ao 5 de xullo



Publicación da relación definitiva de persoas solicitantes	7 de xullo
Período de selección por parte da entidade colaboradora	Ata o 12 de xullo
Publicación da relación de persoas admitidas e en espera	13 de xullo
Matrícula	Do 14 ao 21 de xullo

### Participación simultánea nos procedementos de admisión a FP Dual e ao resto de modalidades de FP

As persoas que **participen** no procedemento de admisión e matrícula para os **proxectos** de formación profesional **dual** de ciclos formativos para o curso 2017-2018 na convocatoria de xuño, tamén **poderán** se así o desexan, **realizar a solicitude** de admisión a **ciclos formativos** de grao medio ou de grao superior no réxime ordinario ou para persoas adultas, na modalidade presencial ou a distancia, **no prazo ordinario** de xuño-xullo. Neste caso:

- As persoas **non seleccionadas** nos proxectos de formación dual, **seguirán no procedemento de admisión a ciclos** formativos e se é o caso, poderáselle adxudicar unha praza para que posteriormente realicen a matrícula nos prazos establecidos.
- As persoas **que figuren** como admitidas en calquera dos proxectos de formación dual **na listaxe** de relación de persoas admitidas e en espera **publicada o día 13 de xullo**, **están a renunciar expresamente a seguir no procedemento de admisión a ciclos** formativos no réxime ordinario ou para persoas adultas, na modalidade presencial ou a distancia; non serán adxudicadas e non poderán formalizar matrícula ningunha nestes réximes ou modalidades.